



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მეგრული ცხენი



მეგრული ცხენი

მეგრული ცხენი, საჯდომ-სასაპალნე ჯიშის ცხენი. მოშენებულია უხსოვარი დროიდან საქართვევ. შავი ზღვის სანაპირო ზოლში. ტანად პატარაა, სიმაღლე (სმ-ობით) მინდაოში - 129, ტანის ირიბი სიგრძე - 139,5, გულმკერდის ირგვლივ - 145, ნების ირგვლივი - 16. ძვალმსხვილია, აქვს მშრალი და მაგარი კონსტიტუცია, საშუალოდ მასიური კორპუსი, კარგად აქვს განვითარებული კუნთოვანი სისტემა. ფერად წაბლაა, გვხვდება ლურჯა, იშვიათად - ყორნისფერი.

გამორჩევა განსაკუთრებული შრომისუნარიანობითა (საპალნის მაქსიმალური მასაა 100-130 კგ; ცოცხალი მასის- 35-40%) და სიფრთხილით, რის გამოც მშვიდად დადის როგორც მთაგორიან, ისე ჭაობიან ადგილებში. ადგილ. ბუნებრივ-კლიმ. პირობებთან შეგუების გამორჩეული უნარისა და სხვადასხვა სას.-სამ. სამუშაოზე გამოყენების ფართო შესაძლებლობის გამო საჭიროა მისი ხალასად მოშენება.

**დ. კობალავა.**

---